

SPORT: campionadi grischun 300 meters

Mintgamai ôr per Urs Brazerol e Saskia Plaz

G.N.S. An plessas categorias on 130 tiradours e tiradouras piglia part agl campionadi grischun da 300 meters. Urs Brazerol ò defendia sies tetel da campion grischun. Per l'amprema geda campionessa grischuna è neida Saskia Plaz.

Eneda duple èn las relaziuns stadas fi g pre-tensiusas agl stand da teir «Rossboden» a Coira. Fatg tot oter tgi simpel agls participants ed allas participantas ò cunzont l'illuminaziun, tgi sa midava an en cuntign. Vetièrs è nia tgi la gleisch era er adegna puspe tschorvantonta, uscheia tgi da far bungs resultats è sto grev. Cun pacas excepziuns è nia tratg per en po pi mal tgi anc avant en onn tigl campionadi grischun da 300 meters. Pigls tiradours grischuns è chella occurrenza stada ple u manc igl prolog pigls campionadis svizzers, tgi antschevan an dus emdas a Thun agl stand da teir «Guntelsey». Anc ensatge avant è a Turitg igl fi al naziunal da gruppas, noua tgi angal dus gruppas grischunas èn dalla parteida. Chegl èn Rothenbrunnen e Sent. Cugl quintet da Rothenbrunnen teiran er Franz Josef Plaz e sies fegl Kevin, els tg'èn uriunds da Savognin. Chella gruppa grischuna totga schizont tar egna dallas favoritas aint igl camp (arma 57/03).

Tge seis passas per Urs Brazerol

Tigl campionadi grischun da sonda passada veva Surmeir cun Urs Brazerol da Farrera en veir trompf aint igl stetg arma da sport an vainter. Igl potenzial da far en bung resultat vevan pero er anc sies frar Claudio Brazerol e Ricardo Giovanoli da Beiva. Scu gio igl 2018 ò Urs Brazerol confi mo er chest onn tg'el è da preschaint igl pi ferm tiradour grischun cun l'arma da sport. Tratg ò el cun 60 schozs (seis gedas diesch schozs) gist tschintg passas da 97 puncts ed ena passa da 99 puncts.

Ed ossa agl campionadi svizzer

Cugl resultat da 584 puncts è Urs Brazerol danovamaintg nia campion grischun dalla categoria arma da sport an vainter. Igl resultat excellent testifi gescha tgi igl tiradour da 55 onns è an furma ed er pront pigl campionadi svizzer 2019. Tar chel veva Urs Brazerol gio gudagnea igl 2012 la medaglia d'argient. Sonda passada a Coira è el oramai puspe sto igl pi sensom igl podest. Sagond è nia Plazi Giusep Cadruvi da Laax cun en total dad 580 puncts. Cumpletto igl podest ò Joos



Gratulaziun da Lino Poltera (dretg), tgi è sez sto en tiradour da vaglia, per Urs Brazerol, igl vigl e nov campion grischun.

Ambühl da Tavo cun sagettar 577 puncts. Ricardo Giovanoli è nia 8avel cugl resultat da 574 puncts e Claudio Brazerol 9avel cugl madem resultat.

Gudagnea per en sulet punct

En'ulterioura medaglia dad ôr per Surmeir ògl do antras Saskia Plaz, la matta da 20 onns tgi stat a Brugg AG, è pero vaschigna ed uriunda da Savognin/Surses. Ella è davantada campionessa grischuna dalla categoria giovens arma 90. Igl ampren post ò ella obtignia

graztga agls sies 538 puncts. Ella è alloura er sa mussada cuntainta siva da chel success sonda passada a Coira. Vicecampion grischun è nia Cyrill Gubser da Barvogn. Igl cumpogn da 18 onns ò sagetto angal en punct pi pac tgi la victoura ed uscheia gia da sa cuntantar cun la medaglia d'argient. Cun Madlaina Giovanoli da Vicosoprano è dasperas Saskia Plaz, stada anc en'ulterioura matta segl podest. Cugl 7avel post da Gino Gubser da Barvogn è anc en oter tiradour gioven dalla nossa regiun rango aint igls top diesch.



On gudagnea las medaglias tigl giovens. (da san.) Cyrill Gubser, Saskia Plaz e Madlaina Giovanoli.